

 <small>BIBLIOTHECA UNIV. JAGELL. CRACOVENSIS</small>	589365	
	Mag. St. Dr.	III

Biblioteka Jagiellońska



stdr0017236



120
M. 3318 III
L A V R E Æ
A V T V M N A L E S.

Variorum Fructuum Symbolis intertextæ;

V I R T V T I & H O N O R I,

VII.VV.DD. Primæ Laureæ Candidatorum,

D V M

IN CELEBERRIMA UNIVERSITATE CRACOVIANSI,

P E R

Clarissimum & Admodum Rndum. Dominum,

M. SIMONEM

W A C Ł A W S K I,

PHILOSOPHIÆ DOCTOREM ET PROFESSORĒ,

Collegam Minorem, Artisticæ Facultatis

D E C A N V M.

I N

Amplissima Celeberrimi Senatūs Academici præsentia.

Primò, in Artibus. & in Philosophia, Laureati

Honoris Decore, ritu Solenni

I N S I G N I R E N T V R,

Amoris verò Fraternalis, & Gratulationis ergò,

A

FRANCISCO CLEMENTE BALICKI,

EIVSDEM LAUREÆ CANDIDATO,

Cum officioso gratulātis Lyre applausu mutuoq; affectu,

C O N S E C R A T Æ.

Anno Salutis 1677. die 18. Mensis Septem.

C R A C O V I Æ, Typis UNIVERSITATIS.

I N S T E M M A
Illustris, & Magnifici Domini.



Cynthia dum lucis medium sinuatur in Orbem,
Auroram nitido continet illa sinu.
Pulchrius ex gemino coalescit silere lumen,
Symbola virtutis, quod meruere Tua.
LVNA Tibi crescens, augmentum signat honoris;
Laudis inextinctum, fert Tibi STELLA iubar.
Desuper inuietus, decora vt clarissima seruet,
Virtutum custos, excubat iste LEO.
STANISLAUS BALICKE, Auditor Dialectices.

ILLVSTRI & MAGNIFICO DOMINO,
D. LAVRENTIO
 DE GRANOW
WODZICKI,

THESAURARIO TERRÆ NVRENSIS,
 Zupparum Wielicensium, & Bochnensium,
 ADMINISTRATORI DIGNISSIMO,
 SACRÆ REGIÆ MAIESTATIS SECRETARIO,
 Domino Patrono, ac Benefactori Amplissimo.

A V T H O R

Omnigenam prosperitatem, cum debita obsequiorum submissione.



Vrarum fecundi, sed nec infecundi honorum, eruditi labores ea felicitate gaudent; ut non expectata plerumq; longioris tedi morâ, literati profectus etiam in tenerrioribus animis ubere prouentu, dulces maturecant in fructus. Quâquam enim pulcherrima quæq; decora, atatem poscant; nihilq; citius dispareat, quam præcox maturitas: quæ partus suos, non tam eniti, quam proicere videtur, mentium id tamen erudita fecunditati datum est; ut antequam ad summa Principis sapientiæ coronamenta veniat; laureatis per intermedios gradus, ad excitanda ingenia fructibus potiatur. Immensa prope res est sapientiæ studium, magnitudini eius etiam Nestorum etas haud sufficit: semperq; post ingentia curarum, post rigidissimos Pythagoræ, Cleantisque labores; restat moles illius tam vasta, tam excessu suo impenetrabilis; ut quoties ad eam etiam sapientissimi animi respiciunt; erubescant ceu nihil adhuc egissent. Consultum in eo bonis ingenijs, contra hæc ardua, & spem prope omnem eripientia, honorum solatio; quos varie porticus erudita diuisit: ut ceu natura quoq; ipsa, non in omnia iisdem temporibus fructuum germina prodit; sed varie illa pulcherrimo rerum ordine discriminat: sic & erudita laurea non simul omnes; sed suauiter alternantium camenarum serie, ac velut dulcibus ad altiora inuitamentis, gradatim prouenirent. Non est otiosum, apud Palladem nostram, ipsum etiam anni delitium ver; in quo toties ex doctis frontibus, coronata scientiarum germina dependent. Quanto magis autumnus, honorum, & prouentuum ferax; totum se in plenos, erudita gloria gaudet profundere sinus. Ab hoc ubere autumno, Laurea nostra veniunt. Sapidis utiq; nimirum ex Sapientiæ dulcore, fructibus onusta: quos Tibi ILLVSTRIS, & MAGNIFICE DOMINE, cultus in Te meus, & prima in literis corona desert. Non est alienum ab insigni virtute, & prudentia Tua, qua polles; bonarum mentium curis, & incitato ad sapientiam genio fauere. quinimò laudatissimum semper habuisti, quidquid in ea hominis parte eminet; qua diuina

particulam auræ hausit, & animorum vi internâ intelligentijs propior est. formauere animum Tuum curâ publicâ, & negotiorum maxima; ita tamen, ut ijs etiam gaudeas, quæ sapientum tripodes loquuntur; à quibus vitæ dogmata veniunt; & quidquid in viâ virtutis probum, secusue habendum sit, decernitur. Nec vero illud Tibi vitæ genus placuit; quod sola agendorum meditatione, animos ab usu rerum auellit; sed mentem tuam seriam, & cuiuscunque prudentiæ capacem, ita usui publico dedisti; ut Serenissimorum Regum Poloniae, Procerum Regni, & optimi cuiusque iudicio, honorifice satis approbati meruerit. Integritas pectoris Tui, fides illibata, dexteritas agendi, tot experimentis, & usibus constans; apud coronatam Regum nostrorum Maiestatem eo loci habita est; quod prudentes non nisi, & selectis dotibus ornatissimi viri habentur. Fauebat Tibi AVGVSTVM sedus KORIVTHEVM, SERENISSIMI OLIM MICHAELIS PRINCIPIS nostri, ob clementiam, & animi bonitatem nunquam non desideratissimi; qui placidis in Te gratiæ suæ radijs ferebatur, secutus est Regium de Te Antecessoris sui iudicium, SERENISSIMVS & INVICTISSIMVS IOANNES III. Rex noster; æquæ triumphorum ex hostibus, ut & animorum censura gnarus: qui maximum Regni thesaurum, salisfordinas toto Orbe clarissimas, fidei Tuæ commisit; eo de Tua prudentiâ, & integritate sensu, quem tanti muneris administratio, & spectatissimi in Te animi virtus requirit. Nimirum fortunæ Tuæ innocenter quæsitæ, miram animi moderationem iunxisti, influens in animos omnium comitate, & affectuum temperiæ: nec aliud opulentiùs patrimonium censes, quam beneuolâs, & amicas Tibi voluntates; quas facile possides, dum amore, & humanitate præuenis. Felix opum Tuarum certamen, etiam cum superis; pietate, & beneficâ in egenos manu, charitatis amulatione tam beata, quam illa se non facile vinci patitur ab ijs; qui victoriam maximam putant, profuse ob amorem DEI beneficentiæ usu, nunquam vinci. Habent & bonæ literæ, tesseram amoris Tui; quas in Me ut promoueas, Tua Te insignis humanitas, Tua singularis in Me gratia sic excitauit; ut nisi id, publico hoc venerationis erga Te meæ argumento testarer, amicum me omnino fieri, & Gratijs omnibus hostilia velle oporteret. Fructum proinde laurearum mearum, quem primû ex literis capio, Tuo ILLUSTRIS & MAGNIFICE DOMINE honori consigno, Tuum esse volo; ut quod à teneris capi; maturitate studij vltioris, in nominis Tui Decus, & maiores deinceps gratias assurgat. Hoc mihi à sideribus Tuis; hoc à Leone, stemmatis Tui fastigia tenente polliceor; ab illis nimirum incrementa lucis meæ; ab hoc magnanimi pectoris tutelam, & opella huius patrociniû. quæ seruire nominis Tui perennitati voluit; eo pro Te ad superos voto; ut parem virtuti Tuæ felicitatē, annorum longæua series coronet.

Illustris ac Magnificæ Dominationis Vestræ,
 Clientis Humillimus
 FRANCISCVS CLEMENS BALICKI,
 Primæ Laureæ Candidatus.

180
B. JOANNI
CANTIO,
Regni Poloniae, & Academiae Crac:
PATRONO.

Eruditus Ubertatis Academicæ FRUCTVS,
ad Sacros Cineres depositus.

CVM LEMMATE
DVLCIVS VT SAPIAT.

INNOCENS Virtus, & amica nostris
Rebus, ac Musis pietas, ubi Te
Fecit Augustis laribus quiescē
Optime CANTI.

Pronus inclinat Tibi destinatos
Mentium cultus, honor eruditus
Fusus, ad Sacros Cineres, & alti
Busta sepulchri.

Quidquid ubertas Sapiente fructu
Docta collegit; sine Te beatos
Copiæ nescit melioris usus,
Surgere nescit.

Stoa foecundis Iagellona plantis,
Quidquid excoctum, sapidumque quidquid
Germinat; de Te sapor. atque docti
Gratia fructus.

Mater hæc longo veneranda partu,
Atque viuaci senio, rogatum
Quod ferat germen, genialis illi
Spiritus ex Te.

B

Illa

Illa tot Cælo genuisse Diuos,
Tot coronatis trabeis Monarchas,
Tot Tiararum decora, & Poloni
Fulcra Senatûs,
A Tuæ mentis potuit vigore:
Nec tot exhausta est, Patriæ procellis;
Nec tot angustis superata rebus
Fortior exit.

Laureis ergo pretiosa nostris
Dona, quæ fructu tulit erudito;
Hæc Tibi iussit pietas, amanti
Ponere cultus;
Illa maturum, sapidumq; germen
Nouimus quod non sapiat; sed à Te
Fructuum dulcor benedictus, omne
Nectar habebit.

Clarissimis & Excellentissimis
DD. EXAMINATORIBVS,

Clarissimo & Admodum Reuerendo Domino,

M. S I M O N I
W A C L A W S K I,

Philosoph. Doct. & Profess. Collegæ
Minori, ac pro tunc Philosophicæ Facultatis
D E C A N O.

Clarissimo & Admodum Reuerendo Domino,

M. V A L E N T I N O
M A Z V R K O W I C Z,

Collegæ Majori, Regio, & Tylicia-
næ Eloquentiæ Ordinario Professori,
S A N C T Æ A N N Æ C A N O N I C O.

Excellentissimo ac Doctissimo Domino,

M. C A S I M I R O
S T R A S Z Y N S K I,

Philosophiæ Doctori & Professori,
Collegæ Minori, Gratitude Symbolū.

Tres Coronæ Laureæ, Cedrinis
Fructibus intertextæ.

C V M E P I G R A P H E.

H I N C G R A T I Æ P E R E N N E S.



M O M E N T A rerum crescere saculis,
Rursumq; tolli cernimus. hoc opus
Longæ vetustatis, subegit
Regna simul, trabeasq; Regum.

Fastigiatis quæ posuit Tholis
Ad ima tandem. scilicet omnium
Hæc meta, quæ longum steterè;
Vt senio cecidisse fracto

Gemant, & Orbi sola potentia
Fragmenta linquant. nec animos tamen
Hic eruditos casus urget,
Aut senies caries vetusti.

Fatis supersunt, quas Peripatetus
Ad æterna spiritus entheat
Momenta vitæ. quod per artes
Mentibus æthereis propinquat.

Cedros meretur. Cecropijs decus
Viuax Athenis. plenaq; gloria
Theatra, curæ literata
Porticibus meruere doctis.

B 2

Quidni

Quidni perennes vos deceant quoq;
Fructus cedrorum; quos sapiententia
Victurus auro longiori,
Ornat honos cathedris amicus!

Decora Stoa purpura, quam Tuos,
Pulchros labores, murice vestit
Quam digna, W A C T A W S K I, tot annis,
Totq; Tuis meritis, coronat

Te literarum gloria! pectoris
Spectata quantum est integritas Tui,
Ilcussiensis cui fodina
Sacula de meliore ducta

Signant metallo. Te Sacra dignitas
Hic eminenti. qua posuit loco
Seruabit, insignemq; mystam
Ire gradu dabit altiori.

Cedros perennes, sic meruit Tibi,
O Eloquentis gloria Tylici!
MAZVRKOWICZ flos eruditi
Nominis, & cathedras per omnes

Probata virtus; sedulo quam iuuat
Aui prioris lectio, pennaq;
Dudum laboratos ad usus,
Iudicio sapiente nixa,

Scriptisq; florens; qua sapiunt Virum
Ex asse doctum. nobilis ingeni
Vigore, STRASZYNSKI, Sophumq;
Dogmatibus, Themidisq; cultu,

Perenne nomen; Tu quoq; florida
Meritis atate oreq; gratias
Ferens deserto, digna rostris
Flexanima monumenta suada,

Implebis olim. sed triplicis decus
Iam Vos Corona, milleq; gratijs
Cedri perennaturus altum
Poscit honos, cumulatq; doctis

Aeterna votis, symbola. Vinite
Tot erudita sacula gloria
Vestra, quot ornamenta laudis
Dotibus, & meritis resurgent.

LARREÆ

L A V R E Æ
 A V T V M N A L E S.
 II. V. D. A L B E R T O
 WEGRZYNOWICZ, Crac:

Corona Laureæ, placidissimis Oleæ, quæ
 Palladi sacra est fructibus, ad literarum glo-
 riâ, & Oracula Themidis inuitans.

C V M L E M M A T E
 VESTIGIA CLARA SEQVARIS.

Palladis hoc op⁹ est Tibi quod pulcherrima doctæ
 Symbola virtutis, præstanti munere signat.
 Pax oleam, Musasq; decet. placidissima vitæ
 Gratia, paccatos animos, carosque Mineruæ
 Phæbeo super axe locat. Tu Cracidos almæ
 Indolis egregiæ proles; Tu pectus amicū
 Pacificis studijs, oleam virtute Paternā
 Atq; coronatā Maiorum laudē mereris.
 Nempè Tibi Patruos Iagellonā Pallade claros,
 Doctoralis apex tulerat. S T O B N I C I A seu quem
 Viderat insignem meritis, vitæq; probatæ
 Vt gemmam Cleri summā virtutē nitentem:
 Seu Pilznense D E C V S, quem sacris extulit aris,
 Officijsq; dedit fungi præstantibus; ad quæ
 Fert animum virtutē parem nuperq; decorum
 Romanā Themidis lauru. Tu nomina tanta
 Atq; exempla domi spectans, vestigia quō Te
 WEGRZYNOWICZ præclara vocant, fac ritē sequaris.
 Hoc Oleæ similis tranquillæ gratia mentis;
 Hoc dociles animi dotes, & Laureæ poscunt
 Munera; quæ niueam dum, sentis cingere frontem;
 Hoc age, vt has laurus virtutibus ipse corones.

C III. V. D.

III. V. D. SEBASTIANO
KOWALSKI.

Ad eruditam Laurum, ex Eone arbore, quâ
Argo Iasonis constabat, additi fructus, nec
igne, nec aqua, corruptibiles.

CVM EPIGRAPHÆ.
SAPIENS IN FESTA TRIVMPHAT.



*Riscis Argolicos gloria sæculis,
Cultu quam celebri dixerat Heroas,
Gazam quod Phrygiam velleris aur. &
Inuictâ tulerint manu.*

*Argo sacra Dijs, dum Pelagus secat,
Ægeas hyemes; Ionium domans
Helleſponciacis, ausibus impetum
Incorruptâ mari dedit.*

*Ignes exsuperans, arboris Eones
Mirâui, nec aquis læsa tumentibus,
Sic quod palladijs constitit artibus
Vis non exsuperat malis.*

*KOWALSKI, studium tu quoq; diligis
Incorrupta Sophum dogmata, quod sapit,
Nec tolli metuit, cum sapientibus
Immortale decus ferat.*

*Aptum est his studijs ingenium Tibi,
Mens attenta vigil, curaq; seria,
Hac virtute tui pectoris, omnia
Vinces ardua sedulus.*

IV. V. D. CASIMIRO
IANVSZKOWICZ.

Dulcēs Tiburtini fructus, laureis virenti-
bus inserti.

CVM LEMMATE.
GRATVS AB ELOQVIO DVLCOR.

Non est

Non est gloria pulchrior,
 Quam rostris veniens dulce loquentibus:
 Qua priscum Latij decus,
 Et gentis steterat fama Pelasgica.
 Romanus quoties apex,
 Facundi stupuit nomina Tullij?
 Concessitq; togæ graues
 Vt inartis premeret sanguinei minas.
 Suadæ Tybur almoenius,
 Respondet sapidis vndiq; fructibus;
 Quod tu munere Palladis
 IANVSZKOWICZ habes. grata Demosthenis
 Quidquid vincere gloria,
 In rostris potuit sapius Atticis;
 Hoc Tu, fac tibi sedulo
 Vt cedat studio, gratia Te decet
 Oris flexanimi, potens
 Insignes animos ducere quo volet.
 Hac Tu per Cathedras Stoæ,
 Gratus dulcor eris, doctaq; suauitas.

V. V. D. I O A N N I
 D V M I C Z.

Fructus laudatissimæ arboris Dodonææ cū
 Delphica lauru.

L E M M A.

VT IVSTA RESPONDEAS.

Ad tripodem Phæbi, qua se videntibus olim
 Delphis extulerat, Laurus amœna comis;
 Pulchra Tibi, DVMICZ, tanto de numine promit
 Munera, proposito rite dicata Tuo.
 Diua Themis, si Te Iuris dictamine poscit?
 Nobile si legum nosse Tribunal amas?
 Insignes curas hoc, & præclara requirit
 Dona, animi memoris, iudicijq; boni,
 Sic olim Gratum petijt sapientia Delphos,
 Arcanos Phæbi, consuluitq; lares;
 Tu veterum monumenta legas; Tu Iuris, & æqui
 Consule, qua magni scripta dedere viri;

*Ceu Dodona tulit, Diuorum non nisi dignam
Aris materiem, fructiferumq; decus,
Sic Themidis sapiens animus vulgaria spernens
Pectora selectis mentibus ille patet.*

*Hoc ergo vigili studium Tu perfice curâ;
Ingenij magno; iustitiâq; bono;
Vt responsa feras, maturo pectore dignas;
Vt sis consilio promptus, Et ore grauis.*

VI. V.D. IOACHIMO STANCZEWSKI.

Germina admirandæ arboris, quæ prope
Acesinem amnem, ad duo stadia frondes
protendisse visa est.

CUM EPIGRAPHE. ANIMI SPATIA DILATANDA.

Anguſta non eſt eruditis mentibus
Intus facultas. quidquid Orbe clauditur,
Rerumq; vaſta mole naturæ ſubeſt;
Intrat reſeſſus, & mēdullas pectorum
Sacras Mineruæ. ſic Mathēſis ordinem
Complexa rerum, pandit ingentes vias,
Cæliq; flexus, & profunda viſcerum
Arcana Terræ, mira ceu viſ arboris,
Quæ vernat altis Indicarum gentium
Remota Terris, frondibus latē patens,
Nec viſitatis æſtimanda fructibus.
Huc o capacem, nobilis ſcientiæ
Aduerte mentem! Pulchra STANCZEWSKI patent
Tibi ſophorum per cathedras dogmata;
Patet Mathēſis altiorum conſcia,

Emenſa

Emensa cælos, orbitasq; syderum,
Vnoq; claudens pondus omne circulo.
Tu pectus illi consecrare sedulum
Stoamq; si vis eruditam iungere,
Constans ad auge vim capacis ingeni.

VII. V.D. SEBASTIANO WODZINSKI.

Dactyli palmæ arboris fructus insignes, lau-
ream coronam ornantes.

CUM LEMMA TE.
HÆC DVLCEO LABORVM.



*Minens Palma decus, inter omnes
Arborum plantas, sapidisq; gustum
Fructibus mulcens grauiore semper
Pondere surgit.*

*Inde victrices onerare dextras
Suevit, angustos decorans triumphos :
Nempè dulcedo solidis paratur
Non nisi curis.*

*Si Tibi gustus placet eruditi
Dulce, WODZINSKI, sapidumq; nectar;
Arduos primum studiij labores,
Ferre necesse est.*

*Seu graues malis cathedras sophorum ;
Dina seu menti placeat Matheſis ;
Hippocras seute valido medendi
Munere poſcit.*

*Grandibus curis opus est, priusquam
Inde maturo potiare fructu.
Ergo fac in Te, solido triumphet.
Palma labore.*

I. V.D. FRANCISCO
BALICKI,
PRIMÆ LAVREÆ CANDIDATO,
AUTHORI OPERIS.

Fructum pomorum aureorum, ex Hesperidum Horto, cum Lauru Cæsaris Augusti, ab
Aquila volante demissa.

ET CVM EPIGRAPHÆ.
ORNENT PULCHERRIMA VATEM.

In Signum amoris & gratulationis

V.D. ALBERTVS WEGRZYNOWICZ
EIVSDEM LAVREÆ CANDIDATVS.

OFFERT, D Cq.



Vtumnus ex Te, quando feracibus
Donis, BALICKI, germina fructuum
Inter Coronatas Mineruæ.

Spargit opes, viridiq; Laurum
Togata signant munera; quæ Tuo
Cedent honori symbola & quod decus
Musis amicum pectus in Te,
Palladijs referet corymbijs!

Vatem coronet Cæsareis apex
Demissus olim fascibus, & sacro
Dignus triumphali, thronoque
Imperij, Tua sic meretur.

Dos literatæ virida gratiæ,
Decusque Clari Nobile Sanguinis,
Suadæque dulcor, visque mentis
Aurea, quam Themidi sacraſti

Dignamur hinc Te fructibus aureis,
Lauruque digna Cæsare, nam Tibi
Formata præstanti metallo

Dat pretium generosa virtus,
Hæc Te secundis auspicijs feret
Ad summa rerum, plenaque gloriæ.

Donabit ornamenta, quæ Te
Thespiadum, viridante lauru,
Æui beabunt fructibus aurei.

Sic viue felix, sic Tibi Gratia
Nectant coronatos honores;
Sic celebrent Tua plectra vatem.

Eidem Authori Operis Venerabili
D. FRANCISCO CLEMENTI
BALICKI,
Fructum Mali Persici, & Laurum, quæ in
Parnasso spectatissima habetur,

CVM LEMMATE.
TIBI VERNAT PARNASSIA LAVRVS.

Honoris & Amoris ergo,

V.D. IOANNES DVMICZ,
Primæ Laureæ Candidatus, Dedicat.



*Persicis arbor pretiosa malis,
Laureas ambit Tibi destinatas;
Musa dum latet Tua nos honorum
Fructibus ornat.*

*Colle Phæbeo decet erudititas
Ut feras laurus, calamo BALICKI
Sat coronato, cytharæq; dulci*

Inclite vates.

*Pulchra virtutum series, modestam
Indolem format Tibi cum PATERNA
Laudis accessu, facilisq; docto*

Carmine Phæbus.

*Iuris ut poscas sapiens tribunal,
Utq; responsis grauib; togatum
Impleas orbem, cupit Eloquentis*

Gratia suada.

*Mille Te Fructus saporis coronent,
Dextra quos sudat Tua mille Nimbis;
Seruiant dulces Tibi gratiarum*

Vndiq; plausus.

*Tota Parnassi viridantis in Te
Fama succrescat, Themidisq; virtus
In Tuo plenis animata votis*

Vivat honore.





SVB FELICISSIMO REGIMINE.

Magnifici, Perillustris & Adm. R. Domini,

D. M. ALBERTI
ŁANCVCKI,

I. V. Doctoris & Professoris Eccle-
siæ Cathedralis Cracou: Canonici
Electi, Collegiatarum, Pilecen: Ar-
chidiaconi, SS. Omnium Cancel-
larij, S. R. M. Secretarij, Almæ Vni-
uersitatis Academiae Cracouien-
sis, Generalis & Vigilantissimi,
R E C T O R I S.

